


Wainlalangare ole erere Rurumong ake nge a Patenger ile toko engenga a Samson



Patenger ile toko engenga a Samson



Ako Edward Hughes i wat i
Ako Janie Forest; Alastair Paterson i wat a seire
Ako Lyn Doerksen i pakomkmoes i
Ako Hobson Mimi i eksing i
Wainlalangare ole erere ake
Bible for children i pavelpol i
www.M1914.org

BFC
PO Box 3
Winnipeg, MB R3C 2G1
Canada

©2024 Bible for Children, Inc.

I sivenga ako aro ong printim Rurumong ake na sung polpol i a
tokokoere nge. Ave mothong tova ong el umtun eve ur pelie nge
Rurumong ake omanga eve salimnga.


1

Na toko ako i voth a Isarael nomenga kene iion a
Manoa ome iewo sengenga otutun e avele, ma nge
nang omole ako Toko Pomnga ile ensel i
velpoltun iewon sengenga ma i ria i ve,
"Aro ong pop tum tomonnga omole."




2


Lama seng aken i ria iewo tomonnga nge panongpolong sivenga ako i nongpol i lale, mako Manoa i nong ol ma i ri ve, "O! Toko Pomnga aro ong velpol werer tel mun a them nge, mo ong patoral senusenu them nge wain aken ipatornga a so pelie."




3



Mako ensel i ria Manoa ve, "Wain aken aro ipothoi utpotnga avele, naro i thin mun thei engenga avele, na aning pelie aro i an mun ir avele eneke, wain aken aro ini Israelangare ole mukalinga."




4



Na nge wop lemi aken Patenger ile tokokoere o voth a kerengaing lemi ma o sis ile opoaling eneke, ole ngarang Pilistinre o pavothal or. Mako Patenger i nongpol okei, mako i atéal povothvoth aken mo i velpol ini toko engenga ako toko e avele a ulue ake i pavurvrur ile engenging.

5




Nako mala seng aken i mane wain aken ma i apeta iion a Samson. Ma wain aken i poma ma Toko Pomnga ile themosaling i voth tomo nge i na Toko Pomnga ioni riringa i rero i ma i velpol ini toko engenga, mako nge nang omole ako i pun tomo nge laion aponga ako ma i monsa iwo ma i punrin sele i.

6



Nako mala nang pelie i lutet ma Samson i thin sthong ako i oma ile pen a laion rinnga aken ini peti. Lama i tea ile patittialing ako ma i ri ve, "A ur anngaa nge, i pavelpol ur ako te an i; na ur engenga aken i pavelpol ur ako i lema mosisen."

7



Ma ile patittialing aken toko e i pavurvrur nge olalnga avele, ma ave Samson iewo sengenga ako ini Pilistinanga i pamilem patittialing aken a ilengare nge, mako Samson ilemi kling rintet nge vothung aken.


8

Lama o rong esa mun a Samson ile lemi klingong aken ako o sungesu mun iewo sengenga a ithanga ako nge, mako ilemi ol nge ole vothung aken olalnga, ma i rere nanau klenganga or 300 ma i paosomalo ole pupore, mako i kintuntun i re na i som tomo o ine anweralongare nge.



9

Ma Samson i oma venen aken, lamako i pa anlilel anweralonga areken ako a nanau ile pupo areken nge, lama i modoppot or, mako o tho ol a Pilistinangare oa wit a ometa lemimi la, mako ometa areken i an vusu.




10

Ma Pilistinangare o thepol i venen aken, mako o sis ve aro o olal werer vothung aken Samson i oma i a or nge, mako Samson isivenga isawompot ma o rere i ma o kintuntun i nge we engengare, mako o sungu i a Pilistinre omeni mo o punrin i.



11

Ma Toko Pomnga ioni i rero i ma ile engenging i aolonga, mako i uriro we engenga areken, mako i ela donki rinnga ako ia ep pokin epee, mako i punrintetpot ile ngarang or 1000 nge.



12

Mako Pilistinangare o kathukatha a Samson, mako pemliknga omole ako o pupal tuntuno i a rem pomnga a lok lemi nge, ma ave Samson i espot ma i potunalalpot lok thekia aken, mako i opokpot i alalanga la nako i es ol la.



13

Aveto Samson i panes nunganga a Patenger ile patorongre avele, naro Patenger i sung engenging a i nge tove i nongal ile riong. Ave Samson i pamilempot ile engenging aken tepun a seng Pilistinanga ako iion a Delila ma i nongnong nako o utpot i pothoi.




14




Mako Pilistinangare ole toko punongare o es ma o rere i ako a Delia ile ring nge, ma i rive i pun tomo nge or, ave ile engening ol avele, lama ile ngaran areken o punkrospot itheki pouteli alaini.

15




Ma Samson itheki pros ol na ile engening ol avele, mako i velpol ol ini Pilistinangare ole umpolpolonga ma o ri poselelal ol i nge, na o ngege litali nge, aveto ini a Patenger ile umonga.

16



Mako Pilistinangare o oma ol sal aolong ako mo ako aro o risea ole silang a avala nge ako iion a Dagon eneke, o ri tova i re ako i sung a Samson a omeni, ma o thin thei engenga ma o voth ako a avala a Dagon ile pathunonga a vel lemi ma okei song a Samson mo i es a or nge mo o thepol i.


17



Mako wain ako i ti a Samson ma i pamit pokala i nge pathunonga a vel aken a vovek sapatanga na Pilistinangare or 3000 o voth a pathunonga a vel

aken lemi na pulua pom rinnga mun ako o voth tomo mun nge pen aken ako o ri poselelal nge a Samson.


18



Na Samson i voth a mang a midenga lemi, mako ipothoi i plo werer mun, mako i nong ol a Patenger nge ma i ri ve, "O Toko Pomnga a God sung werer

mun engening a tho nge mo aro tho olal werer thekik alaini ake oa."

19



Mako Patenger i sung werer mun engening a Samson nge, ma i tik pathunonga a vel aken ma i siv i, mako vel aken i mekiktheu ma i punrin Pilistinangare ma or mengmeng avele ako o rin.

20

Patenger ile toko engenga a Samson

God ile erere a rurumong i voth nge

Judges 13-16

"God, lom riong i sung mire ninenga a tokoere nge." Voing 119:130

21



14



60

22

Rirumong sivesivengaere ako i voth a Patenger ile erere lemi ako i pamen it alavusnga na i sis ve aro lemire mire nge ako ve ini ao.

Patenger ilemi mire nge ler vothung kerengare lale, na vothung kerenga kene olonga ini rinong, aveto Patenger ke kene ile asaguong i aulonga rintet, mako i pakeu itun omolonga ako mo aro i mon a won ngoronga nge mo ini ler vothung kerengare paolalnga. Ma i rin mako i mimi werer mun, mako i voth ol a penaurvet! Na arove lomumo nge i na ong nong tangosinga a i nge aro i eltetpot lom vothung kerenga na akennga i nunganga aro i velpol ini ol om pomnga naro i mimi a ong nge naro i voth tomo nge ong evelinga ako aro ile vusonga avele.

Tova ve lomumo ve riong ake i nunganga aro ong nong ve, O, teik a Jisas ong ini ok pomnga na ong ini Patengemem mun na ong velpol ini toko ma ong rin nge lemim vothung kerengare lama ong mimi werera mun, make ponange tho nong tangosinga a ong nge wot mo ako aro lomum simikal lek vothung kerengare naro tho el mimiong ponganga. Na nge nang sivenga omole aro tho voth tomo nge ong evelinga naro ong opoal mun tho mo aro tho nongal keum, naro tho panes ong ranga ve ini tum. Inunganga

Evelinga aro ong tital a Toko Pomnga ile erere naro ong lengleng tomo nge i nge nongong. Jon. 3:16

23